



ANEXO I

ACORDO ESPECIFICO PARA O DESENVOLVEMENTO DA ACTIVIDADE FORMATIVA NA MODALIDADE DE FORMACIÓN PROFESIONAL DUAL

ACORDO Nº

Dunha parte:

Dª/D , con DNI como director/a do centro educativo IES Muralla Romana, código de centro 27015773, localizado en Lugo, provincia de Lugo, Rúa Angelo Colocci, s/n, código postal 27003, código de identificación fiscal Q7755081B, teléfono 982828081, correo ies.muralla.romana@edu.xunta.gal

e doutra:

Dª/D , con DNI representante/s legal/legais do centro de traballo , da empresa , localizado en , provincia de , Lg. , código postal , código de identificación fiscal , teléfono , correo

EXPOÑEN

Que ambas as partes se recoñecen reciprocamente capacidade e lexitimidade para acordar.

Que o obxectivo do presente acordo é a colaboración entre as entidades ás que representan para o desenvolvemento da actividade formativa na empresa, tal como se recolle no Acordo entre a Consellería de Cultura, Educación, Formación Profesional e Universidades, e a empresa . para a implantación dun sistema de Formación Profesional Dual polo réxime de bolsas para o C.S. no IES Muralla Roman.

Que a devandita colaboración se fundamenta xuridicamente no Real decreto 1529/2012, do 8 de novembro, polo que se desenvolve o contrato para a formación e a aprendizaxe e se establecen as bases da formación profesional dual, pretende crear as bases para a implantación progresiva da formación profesional dual en España.

ACORDAN

Subscribir o presente acordo específico para o desenvolvemento da actividade formativa na empresa do alumnado matriculado nas ensinanzas que se recollen deseguido, que ambas as partes coñecen e acatan, e de conformidade coas cláusulas que figuran no reverso deste documento.

DENOMINACIÓN DA ENSINANZA	CÓDIGO
TITOR DO CENTRO EDUCATIVO D/Dª	
PERÍODO DE REALIZACIÓN DA ACTIVIDADE FORMATIVA NA EMPRESA	DATA DE INICIO: DATA FINALIZACIÓN:

ALUMNO:	DNI:
MÓDULOS PROFESIONAIS	

Ao presente acordo incorporárase a programación de actividades formativas para desenvolver polo alumnado nos centros de traballo.

En Lugo	
O/A DIRECTOR/A DO CENTRO EDUCATIVO	OS/AS REPRESENTANTES DO CENTRO DE TRABALLO
Asdo:.....	Asdo:.....

(Cláusulas do acordo na páxina 2)

NON CUBRIR. A CUBRIR POLO CENTRO EDUCATIVO

CLÁUSULAS

Primeira. O alumnado que figura no presente acordo desenvolverá as actividades formativas programadas nas dependencias do centro de traballo ou, de ser o caso, nos lugares en que a empresa titular do centro de traballo realice a súa actividade produtiva, sen que isto implique relación laboral ningunha coa empresa nin asignación para o alumnado dun posto de traballo concreto. A incorporación do alumnado ao centro de traballo ten por finalidade, exclusivamente, a realización de actividades formativas curriculares vinculadas coas ensinanzas obxecto do presente acordo, sen que supoñan ningún xeito de contratación directa nin indirecta de carácter remunerado.

O centro educativo, en consenso coa empresa e para garantir a adquisición dos resultados de aprendizaxe establecidos no currículo das ensinanzas obxecto do presente acordo, poderá establecer, dentro dos períodos de realización das actividades formativas para desenvolver na empresa, un calendario de actividades de reforzo e complemento das actividades que serán realizadas no centro educativo.

Segunda. A empresa comprométese ao cumprimento da programación de actividades formativas que previamente fosen acordadas co centro educativo, a realizar o seu seguimento e a valoración do progreso do alumnado, e, xunto co/coa titor/a do centro educativo, á revisión da programación, se for necesario, logo de iniciado o período de realización da actividade formativa e á vista dos resultados.

Terceira. A empresa nomeará unha persoa para a coordinación das actividades formativas que se realizarán no centro de traballo, que garantirá a orientación e a consulta do alumnado, facilitará as relacións co/coa profesor/a titor/a do centro educativo e achegará os informes valorativos que contribúan á avaliación. Para tal fin, facilitaralle ao/á profesor/a titor/a do centro educativo o acceso a empresa e as actuacións de valoración e de supervisión do proceso.

Cuarta. No caso de alumnado menor de idade, a empresa comprométese a exixir ao/á titor/a responsable do alumnado e, de ser o caso, aos/ás traballadores/as que vaian ter un contacto habitual con este alumnado unha certificación negativa do Rexistro Central de Delinquentes Sexuais, en aplicación do artigo 13.5 da Lei orgánica 1/1996, do 15 de xaneiro, de protección xurídica do menor, de modificación parcial do Código Civil e da Lei de axuízamento civil, introducido pola Lei 26/2015, do 28 de xullo, de modificación do sistema de protección á infancia e á adolescencia.

Quinta. O alumnado participante non terá en ningún caso vinculación laboral coa empresa e non poderá establecerse entre esta e aquel ningunha relación contractual directa nin indirecta. En calquera caso, as entidades colaboradoras participantes, de acordo coa normativa que resulte de aplicación, poderán achegar bolsas ao alumnado participante, cuxo obxecto se limitará a compensalo polos gastos derivados da participación na actividade formativa regulada no presente acordo.

Sexta. O presente acordo poderase extinguir por finalización do tempo convindo e poderase rescindir por calquera das partes, mediante denuncia dalgunha delas, que se lle deberá comunicar á outra cunha antelación mínima de cinco días, baseada nalgunha das seguintes causas

- a) Cesamento de actividades do centro docente, da empresa ou da institución colaboradora.
- b) Forza maior que imposibilite o desenvolvemento das actividades programadas.
- c) Incumprimento das cláusulas establecidas no acordo específico, inadecuación pedagóxica das prácticas formativas ou vulneración das normas que estean en cada caso vixentes, en relación coa realización das actividades programadas.
- d) Mutuo acordo entre o centro docente, adoptado pola súa dirección, e a empresa ou institución colaboradora. Igualmente, poderase rescindir para un/unha alumno/a, ou grupo un deles/as, por calquera das partes asinantes, e ser excluído/a da súa participación no acordo por decisión unilateral do centro, da empresa ou institución colaboradora, ou conxunta de ambos, nos seguintes casos:
 - Faltas repetidas de asistencia e/ou puntualidade non xustificadas.
 - Actitude incorrecta ou falta de aproveitamento, logo dunha audiencia á persoa interesada.

En calquera caso, o centro docente deberá informar ao departamento territorial da Consellería de Educación, Ciencia, Universidades e Formación Profesional da extinción ou rescisión dos acordos específicos de colaboración en calquera dos casos, e esta, pola súa vez, deberá comunicarllo á Inspección Provincial de Traballo.

Sétima. Para a cobertura de risco en caso de accidente, o alumnado quedará acollido á normativa aplicable en materia de seguro escolar e ao recollido nos estatutos da mutualidade de tal seguro; todo isto sen prexuízo da cobertura dos riscos descritos nas pólizas que poidan subscribir como seguro adicional para mellorar indemnizacións, cubrir danos a terceiros ou responsabilidade civil a Consellería de Educación, Ciencia, Universidades e Formación Profesional, outras entidades xestoras dos programas de bolsas ou axudas para realizar accións formativas na modalidade de formación profesional dual e que se vinculen coa primeira mediante convenio, ou ben a entidade titular do centro de traballo onde se desenvolva a formación obxecto do presente acordo.

Oitava. A empresa comprométese ao establecemento dun sistema de bolsas dirixido ao alumnado participante, suxeito ás seguintes especificidades:

a) A empresa achegará a cada alumno/a unha bolsa, en períodos mensuais e con carácter irrevogable, durante os meses en que a actividade formativa se realice integramente na empresa. No caso de que o/a alumno/a só realice actividade formativa na empresa durante unha parte do mes, o importe calcularase de xeito proporcional aos días de estadia na empresa.

b) Os/as alumnos/as participantes no proxecto de formación obxecto deste acordo incorporaranse ao réxime xeral da Seguridade Social, nas condicións e nos termos establecidos no Real decreto 1493/2011, do 24 de outubro. A conseguinte afiliación e/ou alta, así como a baixa no devandito réxime, produciranse a partir da data de inicio e na de cesamento do programa de formación, nos termos, nos prazos e para os efectos establecidos no regulamento xeral sobre inscrición de empresas e afiliación, altas, baixas e variacións de datos de traballadores/as na Seguridade Social, aprobado polo Real decreto 84/1996, do 26 de xaneiro.

c) Para a efectividade do réxime de bolsas, as empresas colaboradoras e as persoas bolseiras deberán cumprir sempre os requisitos establecidos na normativa que resulte de aplicación e neste acordo.

Novena. En todo momento, o alumnado irá provisto do DNI.

Décima. Os departamentos territoriais da Consellería de Educación, Ciencia, Universidades e Formación Profesional remitirán á Inspección de Traballo unha copia do presente acordo.

Undécima. A duración deste acordo é a prevista no período de realización da actividade formativa na empresa, e considérase improrrogable.

Duodécima. - Confidencialidade e protección de datos persoais

1. Os datos persoais dos asinantes deste convenio serán tratados por cada unha das partes co fin de xestionar a formalización e desenvolvemento do presente convenio, sendo imprescindible para iso que inclúan os seus datos identificativos, a representación da capacidade que ostenten, o número de DNI ou documento equivalente e a súa sinatura.

A base lexitimadora do tratamento dos datos persoais dos asinantes é o cumprimento dunha misión realizada en interese público baseada na Lei 40/2015, do 1 de outubro, de réxime xurídico do sector público e na necesidade de tratar os devanditos datos para a execución do convenio subscrito.

Respecto dos datos persoais sobre os que a Secretaría Xeral Técnica da Consellería de Educación, Ciencia, Universidades e Formación Profesional, a través do centro educativo referenciado, ostenta a condición de responsable do tratamento, as persoas interesadas poderán solicitar ante aquela o acceso, rectificación, limitación e supresión dos seus datos, así como opoñerse ao seu tratamento, a través da Sede Electrónica da Xunta de Galicia ou nos lugares e rexistros establecidos na normativa reguladora do procedemento administrativo común, segundo se recolle en <https://www.xunta.gal/exercicio-dos-dereitos>. Contacto co/a delegado/a de protección de datos e información adicional en: <https://www.xunta.gal/informacion-xeral-proteccion-datos>.

Canto aos datos persoais sobre os que a empresa asinante ostenta a condición de responsable do tratamento, as persoas interesadas poderán solicitar da devandita entidade o acceso, rectificación, limitación e supresión dos seus datos, así como opoñerse ao seu tratamento a través da dirección sinalada no encabezamento do presente convenio.

Así mesmo, as partes garanten o cumprimento do deber de información previsto no artigo 13 do Regulamento (UE) 2016/679, do Parlamento Europeo e do Consello, do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos (Regulamento xeral de protección de datos) respecto do persoal ao seu servizo, propio ou alleo, cuxos datos persoais sexan comunicados entre as partes para a execución dos seus compromisos.

2. As partes asinantes comprométese a respectar o segredo profesional e, en consecuencia, manter a debida confidencialidade e reserva sobre todos os datos e informacións facilitados pola outra parte e que sexan concernentes á execución do obxecto do presente convenio.

Así mesmo, quedan expresamente obrigadas:

- a utilizar a devandita información exclusivamente no ámbito do presente convenio e para as finalidades previstas nel;
- a non comunicala, nin total nin parcialmente, a ningún terceiro sen autorización expresa do emisor salvo nos casos expresamente previstos na lei, esixindo idéntico compromiso ao persoal que empregue ou que con el colabore na execución do convenio;
- a facilitar o acceso á información unicamente ao persoal que a necesite para o desenvolvemento da devandita relación, a quen se comunicará a obrigación de tratar a información á que se lles dá acceso con carácter estritamente confidencial;
- a aplicar medidas de cautela e protección e destruír en calquera momento a documentación escrita recibida se así o solicita a parte que a forneceu;

Considerarase información confidencial aquela á que as partes accedan en virtude do presente convenio, especialmente a de tipo técnico ou tecnolóxico, de produción, de mercadotecnia, administrativa, ou económico-financeira, sempre que non teña carácter público ou notorio.

3. As partes obríganse ao cumprimento do previsto no Regulamento xeral de protección de datos (en diante, RXPDP); e na Lei orgánica 3/2018, do 5 de decembro, de protección de datos persoais e garantía dos dereitos dixitais.

A estes efectos, as entidades asinantes do convenio terán a consideración, cada unha delas, de responsables do tratamento dos datos persoais que respectivamente soliciten do alumnado ou as súas familias para o programa de formación en centros de traballo obxecto deste convenio. En particular, a Secretaría Xeral Técnica da Consellería de Educación, Ciencia, Universidades e Formación Profesional, terá a consideración de responsable do tratamento dos datos recadados polo centro educativo de referencia dependente de aquela.

O acceso por parte dunha das entidades asinantes aos datos persoais dos que resulte responsable do tratamento a outra parte, levarase a cabo en base ao cumprimento dunha misión realizada en interese público e ao cumprimento dunha obriga legal, única e exclusivamente coa finalidade de xestionar a realización da formación no centro de traballo correspondente. Estas bases lexitimadoras do tratamento dos datos persoais fundaméntanse no disposto na Lei orgánica 2/2006, de 3 de maio, de educación e na Lei orgánica 3/2022, do 31 de marzo, de ordenación e integración da Formación Profesional. No caso de que fose necesario recadar datos persoais de categorías especiais como os relativos á saúde, o seu tratamento xustificárase no interese público esencial (artigo 9.2 g) do RXPDP. Ademais do acceso referido anteriormente, os datos persoais unicamente poderán ser comunicados a outras Administracións públicas de ámbito estatal, autonómico ou local, cando sexa estritamente necesario para o exercicio das súas competencias e aos correspondentes encargados do tratamento, sen prexuízo daquelas outras que puidesen derivarse do cumprimento da lexislación vixente.

4. Os responsables do tratamento cumprirán coas obrigacións de información establecidas nos artigos 13 e 14 do RXPDP en relación coas persoas afectadas polo tratamento de datos que realicen para dar cumprimento a este convenio.

5. As partes asinantes están obrigadas a implantar medidas técnicas e organizativas apropiadas para garantir un nivel de seguridade adecuado ao risco e integridade dos datos persoais e eviten a súa alteración, perda, tratamento ou acceso non autorizado. En todo caso, implantarán as medidas de seguridade necesarias para:

- Garantir a confidencialidade, integridade, dispoñibilidade e resiliencia permanente dos sistemas e servizos de tratamento.
- Restaurar a dispoñibilidade e o acceso aos datos persoais rapidamente, en caso de incidencia física ou técnica.
- Verificar, avaliar e valorar, de forma periódica, a eficacia das medidas técnicas e organizativas postas en marcha para garantir a seguridade do tratamento.
- Pseudonimizar e cifrar os datos persoais, se é necesario.